



BERITA Misi Perkhidmatan Pelanggan Mesra, Cepat & Tepat KUALITI KEUTAMAAN KAMI PETALING JAYA

 www.mbpj.gov.my
 Majlis Bandaraya Petaling Jaya
 

 [pjcitycouncil](https://www.youtube.com/pjcitycouncil)
 [pjita](https://www.pjita.com)
 [smartpj](https://www.smartpj.com)

BIL. 6/2020 • 📞 : 03-7956 3544 samb. 203 / 205 / 206 📠 : 03-7958 2695 📧 : media@mbpj.gov.my **PERCUMA**



Berita Penuh MS. 3

PROGRAM USAHAWAN MIKRO



» PELAKSANAAN PROGRAM KUTIPAN CAJ BEG PLASTIK DI PETALING JAYA

Kerajaan Negeri Selangor melalui Mesyuarat Majlis Kerajaan Negeri (MMKN) ke 33/2019 pada 13 November 2019 yang disahkan oleh MMKN telah meluluskan cadangan pelaksanaan Kutipan Caj Beg Plastik di Negeri Selangor.

Berita Penuh MS. 2



» SKIM REBAT CUKAI TAKSIRAN BAGI PEMILIK RUMAH MESRA ALAM HIJAU BERKARBON RENDAH PETALING JAYA 2020

Petaling Jaya sebuah bandar raya hijau berkarbon rendah pada 14 Disember 2010.

Berita Penuh MS. 4

Sidang Redaksi

www.mbpj.gov.my | Majlis Bandaraya Petaling Jaya | pjcitycouncil | pjkitajaya | smartpj

PENAUNG
Dato' Mohd Sayuthi bin Bakar

PENASIHAT
Hjh. Azlinda binti Azman
Haniza binti Abdul Hamid

KETUA PENGARANG
Abdul Hakim bin Khairuddin

WARTAWAN
Ahmad Iskandar bin Muhamad Mukhtar
Nor Shalizawati binti Hj Baharudin
Muhammed Azmi bin Yusoff
Hasbullah Bin Juyahir

PEMBANTU PENERBITAN
Nur Mazliyana Edurar binti Mazelan
Mohammad Shah bin Badlishah

JURU GAMBAR
Rusdi bin Mohammed Halik
Intan Khairana binti Md. Zali
Salimey bin Abu Bakar

PEREKA GRAFIK
Badrul Hisham bin A Bakar
Ihfaznur Ashikin binti Mohammed Arifin

MAKLUM BALAS DAN CADANGAN
HANTARKAN KEPADA
Unit Komunikasi Korporat
Majlis Bandaraya Petaling Jaya
Tel : 03-7956 3544 samb. 203 / 205 / 206
Fax : 03-7958 2695 | Email : media@mbpj.gov.my

PENGURUSAN TERTINGGI MAJLIS BANDARAYA PETALING JAYA

Dato' Mohd Sayuthi bin Bakar
Datuk Bandar
Tel : 03-7956 3544 samb. 325

Hjh. Azlinda binti Azman
Timbalan Datuk Bandar
Tel : 03-7956 3544 samb. 323

TPr. Hjh. Sharipah Marhaini binti Syed Ali
Timbalan Setiausaha / Pengarah,
Jabatan Perancangan
Pembangunan
Tel : 03-7955 2562

Mohd Rosnani bin Hj. Hamid
Pengarah,
Jabatan Khidmat Pengurusan
Tel : 03-7955 0819

Hjh. Nik Nazli binti Nik Abdullah
Pengarah,
Jabatan Perbendaharaan
Tel : 03-7955 2354

Ir. Ismail bin Shafie
Pengarah,
Jabatan Kejuruteraan
Tel : 03-7958 7993

Datin Sr. Amreeta Kaur a/p Pretham Singh
Pengarah,
Jabatan Penilaian Dan
Pengurusan Harta
Tel : 03-7955 2428

Aznan bin Hj. Hassan
Pengarah,
Jabatan Pembangunan
Kemasyarakatan
Tel : 03-7960 3293

Hamidah binti Hj. Ariffin
Pengarah,
Jabatan Kawalan Bangunan
Tel : 03-7956 3544 samb. 252

LAr. Dr. Badruzaman bin Jaafar
Pengarah,
Jabatan Landskap
Tel : 03-7804 8907 samb. 104

Mohd Fauzi bin Maarop
Pengarah,
Jabatan Penguatkuasaan
Tel : 03-7958 8081

Hjh. Sharinaz binti Hj. Samsudin
Pengarah,
Jabatan Pelesenan
Tel : 03-7960 4513

Mahzura binti Mohd Amin
Penolong Pengarah Kanan,
Jabatan Perkhidmatan Kesihatan
Dan Persekitaran
Tel : 03-7957 5240

Lee Lih Shyan
Pengarah,
Jabatan Pengurusan Sisa Pepejal
Dan Pembersihan Awam
Tel : 03-7954 1534

Samsul Bahari bin Nonchi
Pengarah,
Unit Teknologi Maklumat
Tel : 03-7955 2553

Haniza binti Abdul Hamid
Pengarah,
Unit Komunikasi Korporat
Tel : 03-7958 1764

Hjh. Norlida binti Mohd Isa
Pengarah,
Unit Audit Dalam
Tel : 03-7954 0130

Norzita binti Mokhtar
Pengarah,
Unit Perundangan
Tel : 03-7957 8042

Tee Szu Fong
Pengarah,
Unit Pusat Setempat (OSC)
Tel : 03-7954 1725

Sr. Jayanthi a/p Kupusamy
Pengarah,
Unit Pesuruhjaya Bangunan
(COB)
Tel : 03-7960 2055

**Pejabat Cawangan
Petaling Jaya Utara**
No. 19-1 Jalan Pekaka 8/1D, PJU 5,
Prestij Kota Damansara,
47310 Petaling Jaya, Selangor.
Tel : 03-6143 5942

PELAKSANAAN PROGRAM KUTIPAN CAJ BEG PLASTIK DI PETALING JAYA

PETALING JAYA

ABDUL HAKIM KHAIRUDDIN
abdulhakim@mbpj.gov.my

Terdapat dua kategori premis yang berdaftar dengan MBPJ untuk caj beg plastik melalui Pendaftaran Program Kutipan Caj Beg Plastik Negeri Selangor. Kategori pendaftaran adalah seperti berikut:

- Pendaftaran Program kutipan Caj Beg Plastik di Negeri Selangor – 489 premis
- Pengesahan dan permohonan sijil premis bebas beg plastik di Negeri Selangor – 56 premis

Kerajaan Negeri Selangor melalui Mesyuarat Majlis Kerajaan Negeri (MMKN) ke 33/2019 pada 13 November 2019 yang disahkan oleh MMKN ke 34/2019 telah menimbang dan meluluskan cadangan pelaksanaan Kutipan Caj Beg Plastik di Negeri Selangor. Selaras dengan itu, Mesyuarat Penyelarasan Kutipan Caj Beg Plastik di Negeri Selangor yang diadakan pada 10 Disember 2019 meminta semua Pihak Berkuasa Tempatan melaksanakan Kutipan Caj Beg Plastik di Negeri Selangor. Sehubungan dengan ini, Majlis telah menghantar notis kepada semua pemegang lesen pada 4 Februari 2020 yang lalu dan disusuli notis kedua pada 22 Mei 2020.

Majlis juga telah menetapkan kaedah bayaran kepada Bendahari Negeri Selangor setiap 3 bulan sekali di mana jumlah bayaran pengenaan caj beg plastik yang diterima daripada pemilik premis atau pemegang lesen akan dikreditkan kepada Kerajaan Negeri sebanyak enam puluh peratus (60 %). Sehubungan itu, jumlah kutipan yang telah dikutip oleh Majlis bagi tahun 2020 adalah sebanyak RM 806,588.60.

Antara objektif utama pelaksanaan kutipan caj beg plastik di Negeri Selangor adalah bertujuan untuk:

- Mengurangkan penggunaan beg plastik melalui pewujudan premis-premis perniagaan yang tidak lagi membekalkan beg plastik kepada pengguna;
- Meningkatkan kesedaran dan memberi pendidikan kepada orang awam terhadap bahaya pencemaran bahan plastik serta menjadikan masyarakat lebih bertanggungjawab dalam usaha pemeliharaan dan pemuliharaan alam sekitar;
- Bagi mewujudkan Negeri Selangor yang bersih, sihat dan mesra alam sekitar.

Melalui kutipan tersebut, pelan perbelanjaan Majlis digunakan bertujuan untuk bayaran bagi penganjuran program dan aktiviti berkaitan alam sekitar/kepenggunaan oleh PBT, agensi Kerajaan Negeri/Persekutuan serta pertubuhan/persatuan.

Selain itu, ianya juga turut digunakan untuk bayaran pembekalan bahan promosi dan kempen berkaitan kesedaran alam sekitar dan apa-apa perbelanjaan yang dirasakan perlu oleh Ahli Jawatankuasa Pentadbiran Akaun Amanah untuk program dan aktiviti berkaitan pengurusan, pemeliharaan dan pemuliharaan alam sekitar.



Penduduk setempat memberikan sokongan sepenuhnya kempen 'Jom Cegah Plastik' di kawasan Petaling Jaya dengan mengurangkan penggunaan plastik dalam urusan membeli dan membungkus.

PROGRAM USAHAWAN MIKRO

PETALING JAYA

 HASBULLAH JUYAHIR
 hasbullah.juyahir@mbpj.gov.my

Majlis Bandaraya Petaling Jaya telah melaksanakan pelbagai program kepada usahawan mikro di Petaling Jaya dalam usaha merakyatkan ekonomi golongan B40. Melalui ini, Majlis telah menubuhkan satu jawatankuasa yang dinamakan Jawatankuasa Pembangunan Usahawan Mikro bagi membincang dan menyelesaikan isu-isu berkaitan penjaja.

Majlis telah menyediakan tapak penempatan kepada peniaga tanpa lesen dan penyusunan peniaga tanpa lesen secara insitu (berada pada kedudukan asal). Konsep penempatan adalah tapak perkongsian mengikut sesi yang telah ditetapkan seperti sesi pagi, sesi tengah hari dan sesi petang. Waktu operasi permit adalah 4 jam. Tempoh permit adalah selama sebulan.

Antara program yang telah dilaksanakan adalah program penempatan dan penyusunan peniaga tanpa lesen secara in situ seperti Projek Perintis Transformasi Usahawan Mikro yang telah dilaksanakan di PJS 2/18 Taman Dato' Harun. Konsep projek perintis ini adalah berkonsepkan permit sementara bermasa mengikut sesi iaitu sesi pagi, sesi petang dan sesi malam. Tapak yang disediakan ini adalah secara perkongsian di mana satu tapak boleh dikongsi mengikut 3 sesi yang telah ditetapkan. Konsep perkongsian tapak ini dapat memberikan lebih ramai peluang kepada peniaga tanpa lesen untuk menjana ekonomi demi menampung perbelanjaan harian.

Majlis juga telah mengenal pasti satu lagi lokasi bagi Projek Transformasi Usahawan Mikro iaitu di Zon PJU di Jalan Camar Seksyen 4 Kota Damansara. Konsep yang akan dilaksanakan adalah sama seperti yang telah dilaksanakan di PJS 2/18 Taman Dato Harun.

Dengan pembinaan projek ini, diharapkan agar peniaga-peniaga tanpa lesen yang semakin hari semakin banyak seperti cendawan tumbuh dapat menjana ekonomi di tapak yang telah disediakan oleh Majlis.

Selain itu, program penyusunan dan penempatan peniaga tanpa lesen juga telah dilaksanakan di kawasan PJCC di mana peniaga-peniaga lemang dan buah-buahan bermusim telah ditempatkan di dalam satu

kawasan bagi menjadikan lokasi tersebut sebagai *hotspot* kepada penduduk Petaling Jaya bagi mendapatkan lemang dan buah-buahan bermusim.

Majlis Bandaraya Petaling Jaya dan Ahli Majlis kerap turun di lapangan bagi menyelesaikan isu peniaga tanpa lesen dengan memperuntukkan permit sementara bermasa kepada peniaga. Lokasi-lokasi yang boleh dipertimbangkan telah ditawarkan permit sementara bermasa.

Selain itu, Majlis telah meluluskan satu dasar baru iaitu pemberian permit sementara secara serta-merta di lapangan. Peniaga akan disemak di lapangan dan akan diberikan kelulusan secara serta merta mengikut ulasan jabatan teknikal yang berkaitan. Sekiranya kesemua jabatan teknikal menyokong, surat tawaran akan diberikan kepada peniaga serta-merta di lapangan. Peniaga juga diberikan sesi penjelasan berhubung syarat-syarat yang perlu dipatuhi oleh peniaga.

Secara keseluruhannya, Majlis telah mengeluarkan 401 permit sementara di seluruh kawasan Petaling Jaya. Selain daripada pemberian permit sementara bermasa, Majlis juga telah menyelesaikan banciaan dan penyusunan pasar malam di 28 lokasi dan pasar pagi di 7 lokasi seluruh Petaling Jaya.

Keseluruhan jumlah usahawan mikro pasar malam di Petaling Jaya adalah sebanyak 2,908 orang manakala jumlah usahawan mikro pasar pagi yang telah berlesen adalah sebanyak 210 orang.

Tawaran kemasukan ke gerai-gerai kosong Majlis juga telah dilaksanakan mengikut SOP yang ditetapkan iaitu dengan mengadakan sesi temuduga dan cabutan undi lot kepada 159 permohonan yang telah berjaya.

Bagi tujuan pemantauan dan memastikan lesen atau permit tidak disalah guna kepada orang lain atau warga asing, Majlis telah mewujudkan Sistem *Thumbprint* bagi pengambilan lesen sejak tahun 2018 dan pelaksanaan Sistem Demerit dan Sistem *Biometric* yang telah dilaksanakan bermula tahun 2020.



SKIM REBAT CUKAI TAKSIRAN BAGI PEMILIK RUMAH MESRA ALAM HIJAU BERKARBON RENDAH PETALING JAYA 2020

PETALING JAYA

NORSHALIZAWATI BT HJ BAHARUDDIN
nor@mbpj.gov.my

Majlis Bandaraya Petaling Jaya (MBPJ) menerima pakai Kerangka Kerja *Low Carbon Cities Framework* yang disediakan oleh Kementerian Tenaga, Teknologi Hijau dan Air (MESTECC) dan Pertubuhan Perancang Malaysia (MIP) sebagai panduan menjadikan Petaling Jaya sebuah bandar raya hijau berkarbon rendah pada 14 Disember 2010.

Susulan itu, pasukan petugas *Low Carbon Green City of Petaling Jaya* telah ditubuhkan untuk merangka pelan tindakan, dasar dan program yang berkaitan antaranya ialah skim rebat cukai taksiran bagi pemilik rumah mesra alam hijau berkarbon rendah.

Skim insentif dalam bentuk rebat cukai taksiran kepada pemilik rumah yang mesra alam hijau dan mampan di kawasan Petaling Jaya merupakan antara inisiatif yang telah disyorkan dan diluluskan oleh MBPJ pada 28 Julai 2011 untuk pelaksanaan. MBPJ menjadi Pihak Berkuasa Tempatan (PBT) pertama di benua Asia melaksanakan skim seumpama ini. Susulan itu, pada November 2013, skim ini telah dianugerahkan 'Green Apple Award' oleh *The Green Organisation* di London, England.

Skim ini bertujuan menggalakkan penduduk menjalani gaya hidup yang mesra alam seterusnya menjadikan Petaling Jaya sebuah bandar raya hijau berkarbon rendah. Rebate cukai taksiran ditawarkan kepada pemilik rumah yang telah mengambil inisiatif menjadikan bangunan kediaman mereka mesra alam dan hijau dari segi aspek tenaga, air, kepelbagaian biologi, pengurusan sisa buangan dan pengangkutan.

Skim ini juga telah dipilih oleh kerajaan Malaysia melalui MESTECC untuk dijadikan sebagai projek rintis pelaksanaan projek *Green Technology Application For Low Carbon Cities* (GTALCC) yang merupakan projek pembangunan inisiatif teknologi hijau di Malaysia bersama-sama *United Nation Development Programme* (UNDP) selama 5 tahun. Pemilihan skim rebat ini bertujuan untuk Kerajaan Persekutuan merangka strategi memperluaskan pelaksanaan inisiatif ini ke seluruh negara.

Menerusi skim ini, rebat cukai yang ditawarkan adalah maksima 100% cukai taksiran tahunan atau RM 500.00 mana yang lebih rendah mengikut peratusan seperti jadual berikut :

Bil	Aspek	Insentif
A	Tenaga	Rebat maksima 40%
1.	Pemasangan <i>solar heater</i> .	20%
2.	Penjanaan tenaga elektrik dengan solar panel ataupun sumber tenaga pembaharuan lain.	20%
3.	Pemasangan sekurang-kurangnya 70% lampu LED dalam rumah/lampu/mentol jimat tenaga.	20%
4.	Penggunaan kelengkapan / peralatan elektrik 5 bintang yang diiktiraf oleh Suruhanjaya Tenaga Malaysia kecuali kipas angin.	20%
5.	<i>Roof Insulation</i> .	20%
6.	Jumlah penggunaan elektrik adalah kurang daripada 112kwatt/jam/kapita/bulan.	25%
B	Air	Rebat maksima 40%
1.	Pemasangan sistem pengumpulan air hujan.	20%
2.	Sistem kitar semula air sisa buangan.	20%
3.	Jumlah penggunaan air kurang daripada 202 liter/kapita/hari.	25%
4.	Alat penjimatan air (kurangkan vol/min).	20%
5.	Pemasangan <i>flush box</i> kurang daripada 6 liter.	20%
C	Sisa Buangan	Rebat maksima 40%
1.	Pengkomposan sisa/pembuatan eco-enzim	25%
2.	<i>Recycle</i> (Pengasingan sisa untuk tujuan kitar semula).	25%
3.	<i>Re-use</i> (Barangan yang digunakan semula).	25%
4.	<i>Reduce of resources</i> (Pengurangan penggunaan sumber).	25%

D	Pengangkutan	Rebat maksima 30%
1.	Memiliki dan menggunakan kereta hibrid / elektrik / motosikal elektrik / kereta NGV untuk ke tempat kerja / beriadah.	20%
2.	Menaiki pengangkutan awam / berjalan kaki / menunggang basikal untuk tujuan bekerja dan beriadah.	20%
E	Kepelbagaian Biologi	Rebat maksima 30%
1.	Lebih daripada 50% Liputan keluasan rumah adalah landskap lembut / hijau(landed property).	20%
2.	<i>Significant planting</i> (rumah bertingkat).	20%
3.	Landskap hijau lembut di hadapan rumah ataupun <i>perimeter planting</i> sekurang-kurangnya 2 meter dan ke atas.	20%

Sehubungan dengan itu, Majlis pada 15 Julai 2020 yang lalu telah melancarkan Skim Rebat Cukai Taksiran Bagi Pemilik Rumah Mesra Alam Hijau Berkarbon Rendah Petaling Jaya Tahun 2020.

Statistik Skim Rebat Cukai Taksiran Bagi Pemilik Rumah Mesra Alam Hijau

Tahun	Jumlah Permohonan	Layak menerima rebat	Tidak layak	Rebat 100%	Jumlah Rebat
2011	49	49	-	13	RM18,184.43
2012	71	65	6	15	RM20,159.25
2013	106	57	9	24	RM32,602.85
2014	152	142	10	37	RM47,842.15
2015	148	135	13	18	RM43,664.54
2016	123	111	12	9	RM20,181.60
2017	76	76	-	8	RM20,740.55
2018	619	605	14	96	RM211,005.11
2019	849	698	151	160	RM237,687.69

***Jumlah keseluruhan pemberian rebat dari 2011 hingga 2019 = RM652,068.17

Sehubungan dengan itu, Majlis pada 15 Julai 2020 yang lalu telah melancarkan Skim Rebat Cukai Taksiran Bagi Pemilik Rumah Mesra Alam Hijau Berkarbon Rendah Petaling Jaya Tahun 2020.



مجلس بنداراي قتالينج جايا
MAJLIS BANDARAYA PETALING JAYA


JOM BAYAR LESEN 2021

#skiplineonline #smartpjlesen



Bersama
Hentikan
Wabak
Covid-19

Permohonan
Baru Dan
Pembaharuan
Dibuat
secara
dalam talian
(online)



**PEMBAHARUAN LESEN
PERNIAGAAN SECARA DALAM
TALIAN TIDAK TERPAKAI BAGI
AKTIVITI PERNIAGAAN PUSAT
KESIHATAN, HIBURAN, PUSAT
SIBER, IKLAN LUARAN ,
PENJAJA**

Sebarang pertanyaan boleh emel ke
smartlesen@mbpj.gov.my
03 79604667 samb. atau
Unit pentadbiran - 129 | Unit penjaja - ext 116/118
Unit tred - 109/127/128/136/137/138

KAWALAN KESIHATAN DAN PERSEKITARAN DI PETALING JAYA

PETALING JAYA

 MUHAMED AZMI YUSOFF
 azmiyusoff@mbpj.gov.my

1. SITUASI KES DEMAM DENGGI DI PETALING JAYA

Jumlah kes demam denggi yang dilaporkan pada minggu epid (ME) ke 38/2020 adalah sejumlah 3,238 kes yang dilaporkan. Laporan kes demam denggi ini menunjukkan penurunan sebanyak 45 peratus berbanding tahun 2019 dengan sebanyak 5,872 kes.

Tiada lokaliti *hotspot* yang aktif dilaporkan sehingga ME 38 (15 September 2020) di kawasan pentadbiran MBPJ. Namun, 1 kes kematian dilaporkan pada tahun 2020. 11 wabak terkawal dan 3 wabak tidak terkawal dilaporkan di kawasan MBPJ.

Walau bagaimanapun, jumlah ini merupakan jumlah yang terendah berbanding 2 PBT yang lain di daerah Petaling. MBPJ merekodkan sejumlah 3,238 kes, MBSA 4,598 kes dan MBSJ 5,443 kes.

BIL	LOKALITI WABAK TERKAWAL	BIL. KES	TARIKH MULA WABAK	TARIKH TAMAT WABAK
1	E6. BL PJU 9 SD 13 PARADESA RUSTIQA KONDO	2	03/09/2020	17/09/2020
2	E6. BL PJU 9 SD 8	2	03/09/2020	17/09/2020
3	E7. KD PJU 3 TROPICANA INDAH	3	26/08/2020	21/09/2020
4	E7. KD PJU 5 SEK 11 GUGUSAN DEDAP 2 (6,7,8,9,10)	3	10/09/2020	25/09/2020
5	E9. KT SS 3 (TERES 2) [JLN SS 3/39,80,82,84,86,88,90,92,94,96,98]	3	09/09/2020	24/09/2020
6	E10. BG SEK 5 TMN PETALING (1) [5/44,46,51,54,55,57,59,61,65,67]	4	25/08/2020	22/09/2020
7	E10. BG JALAN PENCALA	3	07/09/2020	24/09/2020
8	E11. SRI PJU 1A PPRT 1 BLOK (A,B,C)	2	09/09/2020	23/09/2020
9	E11. SRI PJS 8 MENTARI COURT	4	09/09/2020	25/09/2020
10	E11. SRI PJS 10 RIDZUAN KONDO	4	25/08/2020	16/09/2020
11	E12. TM PJS 2C APT MEDAN CAHAYA 1 (BLOK A , B , C)	2	05/09/2020	19/09/2020
JUMLAH KES		32		

BIL	LOKALITI WABAK TIDAK TERKAWAL	BIL. KES	TARIKH MULA WABAK	TARIKH TAMAT WABAK
1	E6. BL PJU 10 APT LESTARI	6	27/08/2020	25/09/2020
2	E10. BG SEK 16 PRIMA 16 (BLOK A , B , C , D) [JLN 16/18]	5	18/08/2020	22/09/2020
3	E12. TM SEK 51A FLAT IMPIAN BAIDURI	5	17/08/2020	21/09/2020
JUMLAH KES		16		

KAWASAN WABAK DENGGI

MAUT




Jagalah Kebersihan Kawasan Perumahan Anda

Kebersihan Tanggungjawab Semua

Musnahkan Tempat-tempat Pembiakan

NYAMUK AEDES

Bersamalah Dengan MBPJ
Untuk Menghapuskan Nyamuk Aedes

Jabatan Perkhidmatan Kesihatan Dan Persekitaran
Tel : 03-7955 2381 / 03-7956 2939



Disediakan oleh : MUHAMED AZMI YUSOFF (azmiyusoff@mbpj.gov.my)



Edaran Pelitup Separuh Muka

TAMAN DATO' HARUN, 13 OKTOBER 2020 - Ahli Malis Zon 18, YM Raja Fairuz Raja Mazlan telah mengedarkan pelitup separuh muka boleh dibasuh kepada peniaga dan pengunjung gerai Jalan 12 Taman Dato' Harun. Pelitup separuh muka ini telah ditempah daripada komuniti B40 yang terlibat dengan Pusat Wanita Berdaya Taman Medan. Beliau juga turut mengedarkan pensanitasi tangan kepada penduduk sebagai langkah berjaga-jaga mencegah Covid-19.



Program "Coffee Appreciation Workshop"

TAMAN PARAMOUNT, 3 OKTOBER 2020 - Seramai 25 orang peserta telah menyertai program "Coffee Appreciation Workshop" bersempena dengan *International Coffee Day* yang disambut pada 1 Oktober 2020. Para peserta telah didedahkan tentang industri kopi di Malaysia, cara-cara bancuhan kopi serta prospek perniagaan dalam industri kopi oleh ANT Manual Brew. Program ini adalah kerjasama di antara PeBT Zon 19 dengan Ahli Majlis Zon 19, En. Farhan Haziq Mohamed.



Gotong-royong Projek 400 Anak Pokok

KELANA JAYA, 2 OKTOBER 2020 - Ahli Majlis Zon 22, Pn. Rahibah Che Omar dan peserta projek 400 anak pokok daripada Persatuan Pekebun Bandar Komuniti SS 7 telah mengadakan gotong-royong mengisi kokopit dalam polibeg. Projek 400 anak pokok adalah merupakan projek kebun komuniti yang dilaksanakan di kawasan perumahan di Kelana Jaya.



Edaran Pelitup Separuh Muka dan Aerosol

SEKSYEN 4, 24 OKTOBER 2020 - Ahli Majlis Zon 15, Pn. Ermeemarianna Saadon bersama Ahli Parlimen Petaling Jaya, YB Pn. Maria Chin Abdullah telah mengambil inisiatif mengedarkan aerosol dan pelitup separuh muka di kuarters Inai Merah dan pangsapuri Selasih Court untuk membantu penduduk mengambil langkah mencegah demam denggi dan Covid-19.



Bantuan Air

PJS 1 & PJS 3, 19 & 20 OKTOBER 2020 - Ahli Majlis Zon 17, En. Ahmad Akhir Pawan Chik telah turun padang membantu penduduk Flat Medan 32 yang mengalami masalah gangguan bekalan air untuk memudahkan proses pengambilan air daripada pusat khidmat setempat di PJS 1. Beliau turut mengagihkan air minuman yang telah disumbangkan oleh pihak SYABAS kepada penduduk PJS 1 dan PJS 2.



Misi Bantuan Kemanusiaan Covid-19

PJU 3, 21 OKTOBER 2020 - Ekoran segelintir penduduk di PJU 3 yang dikuarantin akibat Covid-19, satu sesi pengagihan barang makanan asas telah dilakukan oleh Ahli Majlis Zon 4, En. Anwar Nekhan bersama-sama Pertubuhan Sukarelawan Jiwa Malaysia (SEJIWA), sukarelawan Team Selangor dan NGO Uswah Qurban Barokah. Penerima bantuan terdiri daripada 50 petugas barisan hadapan dan 150 orang awam.



Program Mural Art Kebun Komuniti

SEKSYEN 3, 27 OKTOBER 2020 - Seramai 50 orang anak muda daripada Team Selangor dan penduduk Seksyen 3 telah mengambil bahagian dalam program *Mural Art* Kebun Komuniti anjuran Ahli Majlis Zon 15, Pn. Ermeemarianna Saadon. Aktiviti ini untuk menceriakan kawasan kebun komuniti yang diusahakan penduduk menanam sayur-sayuran dan buah-buahan untuk dimanfaatkan penduduk sekitar Seksyen 3.



BERITA Misi Perkhidmatan Pelanggan Mesra, Cepat & Tepat KUALITI KEUTAMAAN KAMI

PETALING JAYA

www.mbpj.gov.my
[Majlis Bandaraya Petaling Jaya](https://www.facebook.com/MajlisBandarayaPetalingJaya)
[pjcitycouncil](https://www.instagram.com/pjcitycouncil)
[pjcitycouncil](https://www.youtube.com/pjcitycouncil)
[pjcitycouncil](https://www.tiktok.com/pjcitycouncil)
[pj.gov.my](https://www.pj.gov.my)
[smartpj](https://www.smartpj.gov.my)

BIL. 6/2020 • 📞 : 03-7956 3544 samb. 203 / 205 / 206 📠 : 03-7958 2695 📧 : media@mbpj.gov.my **PERCUMA**

TINDAKAN PENGUATKUASAAN PENIAGA YANG MENGGAJIKAN PEKERJA ASING

PETALING JAYA

MOHAMAD SHAH BADLISHAH
mohammadshah@mbpj.gov.my

Susulan arahan Kerajaan Negeri berhubung larangan menggaji pekerja warga asing oleh pemegang lesen peniaga kecil dan penaja, operasi penutupan ke atas penggerai yang menggajikan pembantu warga asing telah dilakukan bermula Jun 2020.

Sebanyak 33 gerai telah diarahkan tutup kerana melanggar arahan ini. Lokasi yang diarahkan tutup adalah seperti berikut:

BIL	LOKASI	JUMLAH PENUTUPAN
1	PASAR JALAN OTHMAN	7
2	GERAI MAKAN PJO	1
3	PASAR SERI SETIA	4
4	PASAR TAMAN MEGAH	4
5	GERAI ANEKA SELERA SEK.8	8
6	PASAR KG CEMPAKA	6
7	PASAR AWAM JALAN 17/2	3
	JUMLAH	33



Penguatkuasa sedang melakukan operasi penutupan gerai bagi warga asing yang masih berdegil.



Gambar sekadar hiasan.

RESTORAN DAN KEDAI SERBANEKA DILANJUTKAN BEROPERASI

PETALING JAYA

ABDUL HAKIM KHAIRUDDIN
abdulhakim@mbpj.gov.my

Susulan pengumuman lanjutan waktu operasi restoran dan kedai serbaneka sehingga pukul 2 pagi oleh Majlis Keselamatan Negara, Kerajaan Negeri telah membuat keputusan untuk turut membenarkan restoran dan kedai serbaneka di Negeri Selangor untuk beroperasi sehingga jam 2 pagi.

Ini adalah berdasarkan kes COVID-19 di Negeri Selangor dalam keadaan terkawal sepanjang Perintah Kawalan Pergerakan Pemulihan (PKPP). Walau bagaimanapun, pencegahan penularan COVID-19 masih merupakan keutamaan Kerajaan Negeri. Sehubungan itu, para pengunjung dan pengusaha diingatkan agar sentiasa mematuhi SOP yang telah ditetapkan oleh Majlis Keselamatan Negara dan mengamalkan penjarakan fizikal.